

萬里流鈴八衝敢有干試拒邊上真金鉞前  
戮巨天後刑屠割鬼夷風火無停千千截首  
萬萬剪形魔無干犯鬼無妖精三官北對明  
檢鬼營不得容隱金馬驛呈普告無窮萬神  
咸聽三界五帝列言上清

以度人故嚴行檢攝三界邪魔也且北都  
羅鄴有六天洞宮一宮各有一大魔王司  
之部屬甚多不可數窮耗人為事忤惱學  
人皆所致之故天尊攝之以保學人也神  
公者玉清丞相受天尊勅宣布號令揮斥  
不祥八威者巨虬獅子毒龍猛虎玄豹丹  
蛇麒麟巨獬吐毒而收邪天馬四布天丁  
前驅而稟命大帥仗幡而領行烈火一擲  
則飛揚萬里流鈴一震則交錯八衝敢有  
干試拒邊上帝真命則天丁執金鉞而前  
戮力士持巨天之斧而後刑屠割鬼夷如  
風而不停以嚴速故重云千千截首萬萬  
剪形魔無干犯而擾正鬼無妖沴而為精  
三官府署北都洞宮各明檢鬼營不容隱  
停金龍驛遞而傳行普告無窮世界三界

萬神咸使聞知如是掃蕩既畢然後三界  
諸神五方五帝言功於上清此皆天尊制  
教為學人掃魔衛體之事人若內境融寂  
神靈咸布入大定相則萬邪不干魔試消  
滅矣

頌曰

學道須憑慧力多 清江毋或漲風波  
融心直入丹霞外 滿目戈矛奈我何

元始无量度人上品妙經註卷中

元始无量度人上品妙經註卷下 未三

東海青元真人註

清河老入頌

靖明道子郭同鳳參校并讚

元始演法錄真保度章

衆生執相難造玄微故重演混元顯陳模  
範也

參校曰此青元註經表二章之第二也

天地運度八十八言

前者制魔護道今當再舉生成彰靈寶  
作用

參校曰此青元註經條分八事之五也

元洞玉層龍漢廷康眇眇億劫混沌之中上  
无復色下无復淵

无復色下无復淵

元洞者元始大洞之祖炁也玉層者大洞

啓運紀述天真功績陞降及劫運度數之

事也始於龍漢終於延康天地生成幾成

幾壞莫可記憶故云眇眇每一劫壞則天

地蕩散山海涓融物象一空无復形質但

元洞之炁混然不分泯然始構者也故云

混沌當此之時暗包真一之水而五行未  
旺故上无色象可見下无淵極能窺  
風澤洞虛金剛乘天天上天下无幽无冥无  
形无影无極无窮音胡原大梵寥廓无  
光

風水也澤水也上風下水空洞虛无隨炁  
扇潤而金剛之炁乘載天根天地之形於  
斯始見幽冥者隱顯之謂也形影者物象  
之謂也窮極者分際之謂也溟滓者曠蕩  
之謂也當其混沌之中天上天下塊然无  
形孰有隱顯物象分際之別惟大梵之炁  
溟溟滓滓自成其功寥兮廓兮未有光影  
及後金風之炁相摩乃生其火四象化合  
土自生成博載天地長養萬物為造化之  
主也五行既判二儀始分於是陽炁上而  
成天陰炁下而為地即五行相生天地之  
道也且三境高真過度灾劫如閻世之春  
秋易於反掌而眾生沉滯生死輪轉无窮  
亦如是也  
赤明開圖運度自然

至赤明元年大運啓圖玉曆定紀天地再  
開於是天地日月星辰山川物象一時分  
判晝夜寒暑四序推遷各得其所罔有差  
忒故云運度自然凡世間一甲子為一小  
變一百年為中期五百年為一大變十變  
為一小劫三小劫為一大劫此億劫之例  
也混沌之炁降先生成五行迺覆為天地  
之終始如人在胞胎漸分形識五臟布化  
以丹田為基長養黍珠惟此為妙假赤明  
之炁煅鍊成寶運度無差自然合道永作  
真人不拘此劫運也

頌曰

乾坤劫運與人同 變滅無常始復終  
惟有一靈真寶物 光明烜赫鎮無窮  
元始安鎮數落五篇赤書玉字八威龍文保  
制劫運使天長存  
天地既立猶拘劫運元始乃觀梵炁之結  
形刻玉為雲篆以鎮梵天已經火鍊故曰  
赤書著成靈寶之文具黃妙元神真運故  
曰五篇一以保制劫灾一以提拔下士俾

夫學者悟其妙者入其妙悟其元者入其  
元悟其神者入其神悟其真者入其真悟  
其道者入其道然後畫妙合元畫元合神  
畫神合真畫真合道自然無毀無滅超出  
度數與天長存

頌曰

五篇文字隱玄功 保制灾危鎮梵宮  
簡是赤書真妙訣 且將符篆作形容  
參校曰九品仙籙經曰昔混元溟滓諸天  
未分元始肇形五劫初化乃命梵元祖晨  
道君摩錄天元運乘五劫故元洞者以成  
祖炁玉曆者以紀天元自一炁化分三因  
成九若龍若蜃蟠曲九道漠漠无極總九  
陽祖炁之元太上以運梵合炁開始青天  
元祖炁故東方得九炁以分天境劫號龍  
漢又合炁開南丹天元祖炁故南方得三  
炁以分天境劫號赤明又合炁開中黃天  
元祖炁故中央得十二炁以分天境劫號  
上皇又合炁開素靈天元祖炁故西方得  
七炁以分天境劫號延康又合炁開北玄

天元祖炁故北方得五炁以分天境劫號  
開皇五劫既周昊天成象一炁混道八景  
流光八帝示形九霄分化故元始天尊命  
天真皇人以玉曆紀元洞之初劫運流復  
之本諸天分境結元洞五陽之炁為玉曆  
以紀天真天民劫運功績陞退之道明九  
聖九品之階今附見于此至如億劫年數  
考究未的蓋劫運大小不一年數亦不一  
有天地成壞劫其最大者也有大劫中劫  
小劫之分其年數多寡上天所秘經文所  
不載者非世人所能盡知故也

混合成眞一百六十八言  
前明生成建立之規今則的指眞靈孕實  
運化之妙

參校曰此青元註經條分八事之六也

梵炁彌羅萬範開張元網流演三十二天輪  
轉无色周回十方旋斗歷箕回度五常三十  
五分總炁上元八景冥合炁入玄玄  
梵炁者元洞一炁之所化先天地立為大  
道根條升條騰自浩劫來彌覆三界羅絡

諸天元始資之而御運天地賴之而生成  
兩儀既分物象咸布故為萬範開張也梵  
炁為元化之網流演於三十二天如輪運  
轉自然无色界起周回十方綿綿不息從  
斗至箕左歷二十八宿躔度如是一周天  
應人間一歲之運天罡左旋五星右轉會  
合成功也二十八宿合日月五星故云三  
十五分也總受高上天元之炁八景冥然  
交合是謂玄功玄而又玄故云玄玄如生  
神寶章曰混化歸玄一高結元始王之義  
如人之身筋脉纏布百脉通流元炁徘徊  
一身受潤三田華素五臟清夷始得成眞

頌曰  
梵炁從教左右旋 須臾歷盡一周天  
可憐不費纖毫力 直到華胥謁上仙

玄中太皇上帝高眞汎景太霞肅詠洞章金  
眞朗郁流響雲管玉音攝炁靈風聚煙紫虛  
響秀輔翼萬仙千和萬合自然成眞  
玄者紫微天心玄都中宮也太皇即明皇  
道君上帝高眞即靈寶至眞也言玄都中

有此上眞當汎景太霞之上肅詠大洞之  
章開度學人於是金眞結而朗郁流響響  
於雲管玉音收攝於散炁靈風混合而生  
煙徧紫虛而響秀乃輔翼乎萬仙故千和  
而萬合成靈寶而登眞修真之士使梵炁  
回旋帝眞在定金光朗徹流雲徘徊自然  
虎嘯風生龍吟炁聚大寶无不燦成也

頌曰  
祖炁朝元玄又玄 太皇面目儼然金  
風煙聚散神光定 精鍊成容合自然

眞中有神長生大君无英公子白元尊神太  
一司命桃康合延執符祀籙保命生根上遊  
上清出入華房八冥之內細微之中下鎮人  
身泥丸絳宮中理五炁混合百神  
長生大君乃斗中之尊星也太一桃康為  
領衛无英白元為輔宸皆斗中眞人也執  
玉符定金籙保人形命主生化之根上則  
遊行上清高虛之表出入丹華之房周極  
八冥目至細微造化之內下則鎮人身宅  
或居泥丸或住絳宮中則調理五運之炁

梵炁從教左右旋 須臾歷盡一周天  
可憐不費纖毫力 直到華胥謁上仙

玄中太皇上帝高眞汎景太霞肅詠洞章金  
眞朗郁流響雲管玉音攝炁靈風聚煙紫虛  
響秀輔翼萬仙千和萬合自然成眞  
玄者紫微天心玄都中宮也太皇即明皇  
道君上帝高眞即靈寶至眞也言玄都中

會合百神也若降炁在人則為內景之精  
 光長生主心白元治肺无英居肝太一司  
 命住腎合延桃康主脾符錄以喻氣血幹  
 旋以保生根一則居騰所以調理五炁一  
 則昇腦所以混合百神交合依時是名顛  
 倒昇降得所是名返復故五行顛倒則大  
 寶炁足三田返復則陽神上昇永為真人  
 所以十轉回旋靈光徧體萬炁俱得而仙  
 始超无漏如救苦經云天炁歸一身皆成  
 自然人

頌曰

妙哉靈寶七般神 上通天關下微塵  
 運用只憑些子訣 便超無漏作真人  
 十轉迴靈萬炁齊仙

十者陰陽之成數也如乾九坎一成十坤  
 六離四巽二兌八艮三震七皆合成十乃  
 天地之大數變化之根元所以十轉迴靈  
 則盡周天之極數自然靈光充溢萬炁還  
 元各得其真也

頌曰

周迴十過運三靈 萬炁歸根混一真  
 這箇機關能解悟 霎時天地變黃金  
 參校曰經註條分混合成真一百六十八  
 言此皆靈寶度人鍊形了命之妙而青元  
 註內又發明之道德經曰谷神不死是謂  
 玄牝此內丹歸根復命之根蒂也蓋採藥  
 而歸復入室而成胎舞蛇而脫胎昇頂鍊  
 形而釋結解胞溫養而氣足形充功滿而  
 調神出殼老君聖紀有訓羽化神仙無令  
 斷絕丹成而蛇蛻而騰虛御景身外有身  
 是謂之仙近代紫陽張真人一派有金丹  
 四百字悟真篇翠虛吟紫清文集等丹經  
 口訣亦多顯露如潭底日紅陰怪滅山頭  
 月白藥苗新歸根自有歸根竅復命還尋  
 復命關卯酉甲庚須沐浴朔弦晦望每防  
 危百刻寒溫忙裏準六爻文武靜中看採  
 藥沐浴火候抽添之真機未嘗不泄於文  
 字間但禁戒至重古今所同魔試相干堅  
 定方可故必真踐實履積行累功方能因  
 緣遇合成就又如參同釋祖達磨形神俱

妙復履西歸之事實錄中有胎息經略曰  
 玄牝之門駐景之戶若能兼行自然甘露  
 蓋未嘗非道德經中旨也又有調神歌一  
 篇與丹經調神之法合同其歌曰調神如  
 嬰萬法无情恬如恬如神子自寧調神如  
 嬰寒暑枯榮治之覆之形神自貞調神如  
 嬰啓合形神形神啓合如琉璃瓶中有金  
 像虛實交并像喻法體瓶喻色身外不可  
 染內不可塵像之與瓶皎潔分明不一不  
 二如水澄停無濁無清水亦無形出不由  
 戶非功非程鏡子若明萬像自形水子若  
 清月影自形非學所得非師所成如蟲食  
 木偶然自成萬像之形如月之明萬法之  
 名如谷之聲法本無法名本無名無名無  
 法不起神形形神不起感之則生妄風不  
 起神何不寧善聆若聾善視若盲智不如  
 愚老不如嬰調之千日自然能醒惺中之  
 夢夢中之惺明者不言言者不明有言則  
 漏有漏不生日待朝昇我性常明月待圓  
 成我體長形天食滋形含靈抱英醜醜之

1 (02) A 5 22-4

瑩牛頭之馨行一空味神怡體輕血化為  
乳骨化為瓊能獅子吼變野牛聲白毫生  
額金仙道成祖師之妙寂寂冥冥神不見  
形形不見神即心無心即形無形心尚不  
見此外無名形神無主含識皆手誰健誰  
衰誰滅誰生誰喜誰怒誰怖誰驚誰念誰  
思誰辱誰榮如日昇天自行自明勤而行  
之祖師之程今附見于此

勸勉學士四百一十三言

前明鍊真教範今則開示勤惰點陟之白

重伸勸勉

叅校曰此青元註經條分八事之七也

仙道貴生元量度人上開八門飛天法輪罪  
禍禁戒宿命因緣普受開度死魂生身身得  
受生上聞諸天諸天之上各有生門中有空

洞誦歌之章魔王靈篇辭參高真

仙道好生甚於人之求生仙道度人常欲  
眾生不死而死滅之理人世自速故太上  
慈悲區區至切所以上開八門下應八元  
自八門中進脩皆可昇真入妙法輪者无

上妙法之所運轉不息亦開示輪迴之道  
設以罪福之禁戒宿命之因緣皆警悟凡  
夫使超出苦輪而轉无盡法藏也於是死  
魂生身皆獲品度上告諸天隨念昇入諸  
天各有長生之門昇墜之格中隱空洞正  
音誦歌之章乃魔王之所述勸勉學人其  
辭皆與高真參合也

頌曰

仙道區區度學人 八門開設向迷津  
勸君只向生門入 昇入諸天轉法輪

第一欲界飛空之音

此界天人以欲樂而墜故魔王述飛行虛  
空之道使難諸欲樂進入輕清故云飛空  
人道眇眇仙道莽莽鬼道樂兮當人生門仙  
道貴生鬼道貴終仙道常自吉鬼道常自凶  
高上清靈爽悲歌朗太空雅願仙道成不欲  
人道窮北都泉曲府中有萬鬼群但欲逼人  
算斷絕人命門阿人歌洞章以攝北羅鄴東  
送妖魔精斬滅六鬼鋒諸天悉蕩蕩我道目  
興隆

人道甚微易失故也仙道莽大易證故也  
六欲深著易為迷惑故云樂也欲之為害  
當人生根仙道好度使起欲樂進入高空  
而天人欲根未嘗暫離仙鬼之道如君子  
小人各願為其類相為喜也是以仙道尚

昇鬼道尚墜如善人為善惟日不足惡人  
為惡亦惟日不足為仙道者常自吉慶為  
鬼道者常自凶邪所謂吉者去欲而已所  
謂凶者愛欲而已唯高上至聖言辭清靈  
爽秀悲憫天人易入鬼趣故作空歌叙六

欲之苦不欲其墜也北都泉曲者拘囚之  
所凡天人報盡乃入其境故云中有萬鬼  
羣但欲逼人年算絕人命根欲深之樂其  
報如是天人能保人道深鑑鬼趣故稱阿  
人常歌洞章攝伏魔類斷絕六欲之根故  
云鋒也

頌曰

六欲原從暗裏來 相牽鬼道可哀哉  
君還會得悲歌意 東盡羣妖道眼開  
第二色界魔王之章

此天自以色塵為樂故述以玉清之道離色忘塵昇玄入妙

落落高張明炁四騫梵行諸天周迴十方无量大神皆由我身我有洞章萬福成仙仙道貴度鬼道相連天地眇莽穢氣氛氛三界

樂兮過之長存身度我界體入自然此時樂兮薄由我思龍漢蕩蕩何能別真我界難度故作洞文變化飛空以試爾身成敗懈退度者幾人笑爾不度故為歌音

此天落落然高張遠大明騫之炁四朗乃梵炁所化周布十方也无量大神即天中

魔試之所變故云皆由我身蓋仙道好度出此洞章使人了忘色塵超出空有昇入三清而天人自以為樂不知所向故云仙道貴度而鬼道常與相連所謂進則成仙退則成鬼進退之間人當自擇天地之間眇莽高大穢氣氛積色界雖樂尚有劫災墜之下苦失之不難須得了忘塵添昇入三境乃可長存能度此界則真相之體進入自然當爾之時不生不滅為樂也我

恩謂色塵良由超出色塵也龍漢謂玉清上聖之道蕩蕩無際皆可證之今爾等但以色界為樂故真偽莫分故化洞章以相勉也千變萬化魔試天人其間懈怠者多昇進者少笑爾不求自度故作是言也

頌曰

人言此界極難度 我道色塵空易消 但使自家心似鐵 從教爐鑄火來燒

第三无色界魔王歌曰

此界天人以違心故返為所累故屬玉

以匡御之道今識變詐使決證神仙

三界之上眇眇大羅上无色根雲層我我唯

有元始浩劫之家部制我界統承玄都有過

我界身入玉虛我位上王匡御眾魔空中萬

變穢氣紛葩保真者少迷惑者多仙道難回

鬼道易邪人道者心諒不由他仙道貴實人

道貴華爾不樂仙道三界那得過其欲轉五

道我當復奈何 此界天人去色忘塵而未達究竟之道以遣魔故返為魔累故天王陳匡御之法欲

開悟之言此三界之上惟有眇眇大羅无色之宗但雲層裁我而已下仙不可窺勝得元始之道居其中無有終始故云浩劫之家也統係玉京部制過此分界則轉玉虛之境魔王自言我居此天最上王位常

匡御眾魔方保長存飛空之中千變萬化昇度學人而塵穢之氣常自紛葩也言天人雖則離滌忘色未能遺忘尤以心識為

患至於觀空入妙尤復為難故鬼道易為邪入欲作真人忘心自違而已諒不由於

他事乃為仙道者以實為人道者以華今爾等天人若不進登真仙之道則三界何以超凌

頌曰

聲聲勸我御羣魔 惟是羣魔直德多

要做神仙元自己 若居鬼道不由他

紀述功果一百一十七言

前者以顯戒言則今明示所得決定功果

以堅同學人

參校曰此青元註經條分八事之終也

此三界之上飛空之中魔王歌音者參洞章  
誦之百徧名度南宮誦之千徧魔王保迎萬  
徧道備飛昇太空過度三界位登仙公有聞  
靈音魔王欲形教制地祇侍衛送迎拔出地  
戶五苦八難七祖昇遷永離鬼官魂度朱陵  
受鍊更生是謂无量普度无窮

如上歌音者乃三界之上飛空之中魔王  
之所製也其音參大洞之章若人誦之百  
徧亦如天人離塵絕欲故得名度南宮誦  
之千徧亦如天人觀空入妙是為道備飛  
昇太空仙公者太極第一品之仙真此則  
誦經功德所獲如是其有聞見者次獲如  
下功德魔王欲形教制地祇侍衛送迎拔  
出地戶五苦八難雖七祖皆得受生如是  
生死兼濟故云无量无窮

有秘上天文諸天共所崇世慢墮地獄禍及  
七祖翁  
此經盡天地萬有聖賢資生皆所總言故  
劫以四萬之遠方許傳度恐下士輕易重  
設禁網而為傷

頌曰

三炁氤氳結大羅 速成音韻作空歌  
天尊說法本无法 豈是人間筆舌多  
道言此二章並是諸天上帝及至靈魔王隱  
秘之音皆是大梵之言非世上常辭言元韻  
麗曲无華宛故謂玄奧難可尋詳上天所寶  
秘於玄都紫微上官依玄科四萬劫一傳若  
有至人齋金寶質心依舊格告盟十天然後  
而付焉

聖賢隱奧下仙不可窺得真道粗識其  
詳有志以金寶質心方許傳付秘禁之科  
不可輕犯後世淺識之士妄有改易及傳  
非其人者宜省斯言

頌曰

玉臺深鎖印金泥 雲錦龍文秘紫微  
四萬劫來方一遇 學人曾敢怠脩持  
道言夫天地運度亦有否終日月五星亦有  
虧盈至聖神人亦有休否末學之夫亦有疾  
傷凡有此災同氣皆當齊心修齋六時行香  
十徧轉經福德立降消諸不祥无量之文普

度无窮

未得真道之士否泰吉凶故常理也後學  
心未堅固乃設此章以天地聖賢不逃大  
數而況後學者乎博達之士三省斯言自  
無魔試同氣者自清濁分一生二二生三  
三生萬物品物流形均受元始一炁而生  
人人皆是同炁

頌曰

霄壤神人或異常 凡夫安可沒灾殃  
同心發箇度人願 十讀斯文為解穰  
道言夫末學道淺或仙品未充運應滅度身  
經太陰臨過之時同學至人為其行香誦經  
十過以度尸形如法魂神徑上南宮隨其學  
功計日而得更生轉輪不滅便得神仙  
末學之士未遂成道則仙曹未有名籍遇

數則終形識當壞不免同入太陰返視陽  
仙誠隔霄壤若同學之流為之濟度方得  
返形為陽

頌曰

學人脩道冀登真 遂妄翻成墜苦因





觀覺鬱繼太明紫靈九神度魂開闢玉真  
阿奕煒燁飛天流音輪景帝常都靈願臻  
豁落大有慶雲啓靈七曜輝麗恬愉敷榮  
虛无上首天啓彌宸四吁育象灌曜騰精  
煥赫洞陽浮景玉光七靈謠歌世元紫堂  
羅英散景耀明玉房八景總獸韶玉攝精  
九都鸞鸞飛生上靈密羅淨境馥郁空輪  
灌沃黃華靈運玄明神宮開朗延宛丹庭  
大猷浮景真定化元變宛素眇玉梁澄烟  
蕭峙結嶠景羅七縷秀盤三府流輝九玄  
寂然虛選飛華拂軒晨濫錄籍太漠由延  
阿丘九度六龍儻轅翁鶴浮羅紫精馥淵  
溟洋太育九機化乾覆形厚德元河淪精  
育英明陀景辰眇雲大隗總監秀樂禁天  
紫虛陀丘劫量交前碧霞韻梵眇眇遊元  
六變運量誠絕惡愆恢寂玄漠萬度成仙  
元始靈書中篇道君撰

有上篇觀覺鬱繼龍篆正文中篇即此文  
也道君所述下篇即森角儲雲乃皇人美  
此隱音重述之也  
東方八天  
叩齒九通思九色玄龍導引從前後青雲  
九重覆匝身形察呪曰  
赤明開圖九炁迴真總統元關青帝大神  
流化九外纏綿我身靈音八書六十四篇  
洞明天地與我合仙運致龍駕上昇帝軒  
呪畢引炁九咽止  
望妻阿耨无怒觀音  
望妻即玉京山上長樓也阿耨者此天司候  
之神名阿那耨耨者天中遊冶臺名无者虛  
无怒者日月之戶觀者觀覺天帝之諱音  
者歌音謂玉京望妻其勢乃長大上接玄都  
之阿母朝會時阿那登此樓擊大鼓則諸  
天真聖皆集歌洞章自日月戶間朝元始  
于虛无也然後天帝觀覺領真人登遊治  
之臺三唱洞章以開度人天此則元始以  
鎮黃會天之雲文

須延明音法攬善曇  
須延皆天真之諱明音先聖之名法攬善  
曇即玉清四府真人也當大劫交元始命  
須延開玉真之府納諸仙真明音主持正  
炁開導諸天梵炁於是元始散遊諸天則  
法輪引籍攬覺度魂善提轉輪曇願揚幡  
自是九地開光學人受度此則元始以鎮  
玉完天之雲文  
稼那阿奕忽訶流吟  
稼那此天中掌籍真人阿奕此天苑園中  
瓊林寶樹之呼忽者飛天神王名訶者元  
始消息之稱流者流布吟者吟詠當劫初  
時元始於阿奕之下墟呵元梵之炁自成  
靈音流布萬天皆得吟詠然後稼那舉籍  
定是非死生上奏玉京即飛天神王下度  
世人也此則元始以鎮何童天之雲文  
華都曲麗解善育臻  
華即東極青華之都曲者歌曲麗者玉女  
之名解者慶雲之象善者此天中寶樓名  
也育者帝諱臻者至也謂元始時於華都

命仙聖領諸玉妃登善樓歌洞章則鮮雲集其上於是玉帝乃臻開度九夜此則元始平育天之雲文

答落大梵散煙慶雲

答落謂此天中宮闕魏魏上有答落之庭

大梵元始宥命之稱散煙慶雲乃北天梵炁之餘者也謂元始開大赦於答落宮庭收攝元炁放釋罪魂咸得餘炁復元結成雲煙而聚集此則元始以鎮元明文舉天之雲文

頌曰

阿那登樓鳴法鼓 洞章三奏日月戶  
元始遊行轉法輪 登命須延開玉府  
嗟呵之炁成玉音 流布萬天得歌舞  
天君王妃登善樓 煙雲搖曳舒玄素  
答落宮庭大宥閑 无量衆生皆受度  
飛灑玉都明魔上門

飛者飛天神王灑者迅速之狀王者玉真都者都明者明曉魔者魔王上者上帝門者門下也謂元始為諸飛天神王演說

正道自龍漢之初至于延康一一灑然學人能明曉其音則玉真開長夜之府都度八難之魂魔王保迎上帝育神門下天真欣然保度此則元始以鎮摩夷天之雲文也

无行上首回躡流玄

行音董 無音雙

无者虚无行者運行上首北帝下官之名回者回轉躡者履躡流者流晨之華玄者空也謂元始稟虚无上道網維八極使梵炁流行下環北帝宮以彌羅諸天運推數極則大劫交至初則元始復以流晨光華履導空虛而布化玄者玄空此天有空峯山乃生死所歸學人道未備足身應滅度其魂升入此山俟功滿德足然後轉入南丹鍊度此則元始以鎮越衡天之雲文

阿陀龍羅四象吁員

阿者此天中之山名九折連阿而上陀者山上樓名龍者亦山名與阿陀相去九萬里羅者日月之呼四者四極象者象車吁者南昌上帝隱諱員者日中仙童之名謂

阿山陀樓其炁與玉清相屬此天帝君常遊其上察人罪福日月之光照于上學人道備則四極真人乘象車而下度其身引領而謁南丹吁帝以求鍊度日中仙童仍以九陽金精之華灌濯其體此則元始以鎮蒙翳天之雲文也

南方八天

叩齒三通思朱雀鳳凰翻翻直前後絳雲三重覆匝身形密呪曰  
三炁徘徊靈鳳來飛玉音八字爛煥紫微  
吉日大慶我道洞開朱丹哺飴仰吸靈暉  
身生水火絳帔羽衣登空飛步足踐丹梯  
周旋八天七祖相隨  
呪畢引炁三咽止  
南爛 洞浮玉眸詵詵

南者南方丹天世界爛者火焰洞者洞陽宮也浮者浮沉玉眸者火之膏質詵詵者盛也謂南方丹天有洞陽宮流火之庭火焰飛浮洞煥八方玉眸之質光明交映詵詵然何其多也乃真人鍊形之所此則元

始以鎮和陽天之雲文也

梵形落空九靈推前

梵形謂元始從劫至劫歷代化生皆以大梵之炁凝而成形以一神而現不受胎生從空而生故云落空九靈者玉都九華真人推前者此天中臺名真人常奉天帝散花其上彌詠洞章開度天人也此則元始以鎮恭華天之雲文

澤音洛善臺綠羅大千

澤者天中山名洛者神真道君諱善者飛天真人內音臺者玉臺在澤山之陽綠羅者月宮夫人內音大千者世界劫數之稱凡百至千曰一千自一千至再千曰小千自小千至再千曰大千謂澤山衆龍所伏中有黃房之宮洛若居其中自劫至劫不滅不生時領諸善登玉臺歌洞章以度人綠羅字羅英其形如玉美瑩無艷乘大梵炁理治太陰度數以應天元無有差忒至大劫交則日月俱會於玉臺俟劫運再開復運化也此則元始以鎮宗飄天之雲文

頌曰

浩劫由來元始王 龍漢說法至延康  
開明无上真道炁 連環運轉維八荒  
學人道備功德滿 拜謁吁帝登南昌  
玉眸黃華光四映 火鍊魂神應九陽  
始乎元始下生界 梵炁結形空裏翔  
澤山真人得至道 不生不滅居黃房  
經緯天地日與月 亘大千号真可量

眇莽九醜詔詔緣連

眇莽者混沌之狀九醜者大力鬼獸詔者魔王內音諱者瑤歌緣者南斗之別名連者北斗之別號謂天地未分其狀眇眇莽莽九獸之鬼齊天而生應天度九九八十一萬數數極而劫交此鬼號為九都使者元始使輔三官同考生死詔者神霄官魔王謠歌惱試學人若心堅固保舉之司詣南北二司系仙籍除死名次入此天之金華山謁太乙帝君求合同符契乃得遊宴諸天此則元始以鎮皇笈天之雲文

雲上九都飛生自霄

雲上者飛天神王內諱九都者九玄之都玄臺之別名也飛生者更生大神之名自者從也霧者霧林也謂雲上散百和名香流五雲之華執太真玉印十絕靈幡一日三回回檐一周則諸天上帝齊到壇下遠壇三帟誦詠洞章然後開度若人識此歌音則更生大神為開不死之路流長生之炁鍊其五魂五魄既鍊則八景存焉從而保舉入玄臺遊霧林矣三十四年畢元始命下乃得南丹鍊度此則元始以鎮堂耀天之雲文

那育郁馥摩羅法輪

那者此天天王侍郎之內名育者天闕空輪郁馥者斗中靈童內號摩羅者天中魔王法輪者大法之輪也謂那主四時之炁運大法輪正天分度固有差忒數極則劫交然後魔王歌洞章之曲而度應受度人天輪十轉足則諸天上帝三界萬神俱至郁馥唱禮一唱萬神齊禮魔王東形此則元始以鎮端靖天之雲文

靈持无鏡攬姿運容

靈者龍淵之神都監之內號持者龍淵之名也无鏡者飛天神王名也攬姿者三界天門之名運容者玄和王女異號謂九龍伏于持淵常含金鬕而運東井黃華之水以灌灌於天人學人成道无鏡為開長夜之府昇度其九祖同過三界天門然後運容王女以朱陵之炁引導其魂玄和之津灌注其體此則元始以鎮恭慶天之雲文

馥朗廓奕神纓自宮

馥朗者天中玄臺山名廓奕者天中神公之內號神纓者紫微靈童名也宮者紫微宮謂廓奕神公與元始同生為玄炁之祖常與此天帝歌洞章於馥朗之上然後真人為開度學人神纓導引自紫微宮而朝元始此則元始以鎮極瑤天之雲文

頌曰

學人欲謁金華真 謠歌不試胡為成  
况復飛生流道炁 鍊灌五魂澄百神  
那号運輪魔敢犯 朗馥一唱東萬形

无鏡時開長夜府 九祖俱沐玄和津  
廓奕猶歌洞章曲 直造紫微朝玉宸

西方八天

叩齒七通思白虎獅子導引左右素雲七  
重覆巾身形密呪曰

七炁金靈八天尊神白虎策擎獅子捧棘  
七炁纏綿鍊我成仙身發金光映照素靈  
內外變化昇入洞門七祖出夜九幽放魂  
億劫開度隨運長存

呪畢引炁七咽止

刀利禪猷婆泥鉢

刀利者南方世界之號禪者國名禪黎也  
猷者好生君內名婆泥者洞陽宮靈童名  
也欲通者天中魔王內諱謂刀利世界禪  
黎國土有洞陽之宮元始於此火鍊真文  
真文既經火鍊光明瑩徹洞煥萬天然後  
此世界為大福堂一切罪現成今昇入若  
人成道猷君監真婆泥鍊魂而度命發通  
常逼絕生門若明此音則眾魔奉焉此則  
元始以鎮孔昇天之雲文

宛藪滌色太眇之堂

宛藪天帝內號滌者滌蕩也色者色界也  
太眇之堂者乃天中大福堂也謂皇崖天  
帝主開太漠之經理治天炁每領諸真遊  
行色界諸天出入上清之府蕩滌穢氣保  
持此界之天開度善信之人若諸天人行  
業高者則天帝昇之得乘景雲之車上生  
太眇之堂乃天之祕府中隱大洞自然之  
章此則元始以鎮皇崖天之雲文

流羅梵萌景蔚蕭嶠

流者天王名也羅者月女之諱梵者飛天  
真人名也萌者元始天王之名景者景皇  
乃四極上真蔚者蔚秀乃景霄仙人蕭嶠  
者劫仞之宮謂流君時遊九霄月皇遊宴  
之儀飛天真人開九天之關萌君正梵炁  
開度天人保固極風之根又蕭嶠者乃西  
方白素元君之宮景皇蔚秀開治其中學  
人明識其音乃可以馭丹龍之變昇九色  
之霄陟九皇之臺此則元始以鎮極風天  
之雲文

易遊元寂宛首少都

易遊者始皇天帝內名无者虛元寂者庭名也宛首者太上道君內諱少都者日中仙童名也謂始皇天君自龍漢而來至于亦明居虛无之內處寂寂之庭奉道君開

元始之與演大法以度人靈童少都仍散日華之精以灌真流飛霞之輝以拂塵此則元始以鎮孝芒天之雲文

阿繼繼郁竺華漢延由

阿繼者天帝隱諱郁者魔王郁默之稱竺者謂欲界也華者謂色界也漢者溟漠也延乃東鬼之庭由乃禁鬼之房謂郁魔之眾惱亂天人或居色界或居欲界隱現於光華之內眇漠而不可尋究帝君阿繼登九層之樓歌洞章以攝之於是眾魔應響而束身羣鬼詣由而伏形保愛天人也此則元始以鎮浮客天之雲文

九開自辯阿那品首

九開天地大術之數自者自然辯者明辯阿者天帝內名阿丘也那者邪邪飛天神

人隱名品者四量首者眾首謂大術之數天地未判三炁混沌開為九分九度九度既開然後陰陽男女別自然明辯也又帝君阿丘常登龍山遊九玄之都教諸邪邪遊空開度善根之人品度其魂昇人飛仙之上首此則元始以鎮江由天之雲文

頌曰  
真文火鍊光瑩徹 无量罪魂昇福國  
皇崖帝君遊諸天 昇出天人齊行業  
流羅梵萌持九霄 極風之根無散滅  
亦明教主曰道君 開玄演法以度人  
郁魔隱現不可尋 一聞洞章皆伏形  
戒爾眾生脩善行 昇入飛仙第一倫  
无量扶蓋浮羅合神

无量扶蓋浮羅合神

蓋者此天有蓋宮浮者幽魂之呼羅者大羅合者合慶神者神公謂无量尊神總統飛天神人皆受品量而昇進之更生君主長夜之錄定善惡之根開大千世界度諸幽魂昇於大羅諸宮與神公而合慶此則

元始以鎮既樂天之雲文

玉誕長桑栢空度仙

玉誕者天中玉都之別名長桑者扶桑之林栢空者洞章之音度仙者度人成仙謂玉誕有霧木扶桑之林蔭覆諸天其葉上

皆紫字玉書大洞之文每神風吹返魂之草桑林鼓百籟之音自成空歌之曲故曰栢空靈雞棲於其上鳴則天下羣雞皆應聲而鳴於是青霞扶搖太陽乃昇故諸飛天神人以雞鳴之初登玉臺採五方雲牙以嚙三晨之光同度學仙之人此則元始以鎮曇誓天之雲文

北方八天

叩齒五通思飛龍羽蓋翳鬱左右黑雲五重覆巾身形神童玉女羽衣飛裳侍衛身形密呪曰

玄天徘徊流景上清大有啓運八字開明飛玄澄空洞陰自生五炁纏綿灌我身形冠帶北單受鍊洞靈賢府仙化內外光精飛行三界遊宴紫庭七祖同慶歡樂劫齡

七寶林中反胎更生長夜出離南宮記名  
黃籙白簡世世生仙

况畢引炁五咽止

覆元自育九日導乾

覆元者飛天神王內名自者從也育者即

天帝內名九者九玄之都日者日童也導  
即引導也乾者天常也謂覆元從龍漢漢  
津之間乘運而出時與育帝乘鳳車遊九  
玄之都轉九機之度以應劫運之數日華  
童子仍開導和炁俟劫交則日停充而運

化此則元始以鎮霄度天之雲文

坤母東覆形攝上玄

坤母者太陰都候九靈仙母東者東海覆  
者理水大神形者地機之形攝者召也上  
者上言玄者玄都謂九靈坤母治東極扶  
桑陽谷之淵本三十一總持地機旋轉元炁以天關  
地機轉動一周則水涌溢三千三百度度  
極則天地炁交九海混一眾水彌天覆神  
治崑崙之頂主填洞巨海通斷東井之源  
使地機不論如劫數終則坤母出東井召

鳥母於龍門制會河源上詣帝前申告  
會仍以大鳳之車陞戴學人昇于崑崙以  
朝玄都此則元始以鎮元洞天之雲文

陀羅育邈渺炁合雲

陀者飛天神王之名羅者月光之稱育者

妙成天主之諱邈者羽林監神名眇者眇  
眇高遠也炁者雲炁合者合景謂陀與育  
俱生於雲阿之嶺抱月之光總持羽林軍  
時救邈神遊行三界保度得道之人今詣  
羽林受符信羽林在北自與諸天合景眇  
眇然行於雲宮結雲炁以為衣此則元始  
以鎮妙成天之雲文

頌曰

既樂天君无童尊 開度長夜出幽昏  
神風飄飄吹返魂 柏之空歌皆洞言  
靈難初鳴扶桑端 真人採集雲芽餐  
覆无乘運應乾元 旋轉九運保天根  
劫終鳥母會龍門 學人乘鳳昇崑崙  
羽林受符拜新恩 雲衣縹緲朝帝軒  
飛天大醜總監上天

飛天者飛天神王大者都錄之司醜者宗  
伯總監者總是飛天都統之官監是領長  
夜之官上天者升上天中也謂飛天神王  
總治天地之運為三界之宗三界魔王皆  
受事於其府總主領八會之炁監主錄長

夜之魂乘其命而昇度幽魂於諸天此則  
元始以鎮禁上天之雲文

沙陀劫量龍漢瑛鮮

沙者此天有沙蘭宮陀者陀丘山劫量者  
隨劫詮量龍漢者始劫之名瑛者飛天神  
王之諱鮮者日童名也謂沙蘭宮陀丘山

乃紫微之別館係玉清新得受度而功未  
圓者常有巨萬人停散其中皆龍漢時人  
俟劫交則詮其功而詣上官人能明此音  
則瑛君度人沙蘭鮮童引而鍊形此則元  
始以鎮常融天之雲文

碧落浮黎空歌保珍

碧落者碧霞落落浮黎者天王內諱空者  
天中侍宸之名歌者大洞之歌保者保持  
珍者珍愛謂玉隆天常有碧霞落飛天神

王乘碧霞之輩一日三回引導天中諸聖  
上朝七寶謁帝君而稱慶於是侍宸一彌  
靈風扇而成大洞之歡保此天人不拘劫  
運此曲尤為天人珍愛故曰保珍此則元  
始以鎮騰勝天之雲文

惡奕无品洞妙自真

三十三

惡奕者天帝内音无者太无真人品者品  
豈洞者洞明妙者此天有福堂曰妙化自  
者與也真者合真謂惡奕天帝自元始粗  
劫脩行超出三界位入玉虛故得證大聖  
之位至赤明開圖元始錫為梵度天王時  
勅太无真人開長夜之府品度罪魂使了  
然洞識宿命淨盡惡根界入妙化之堂與  
道合真矣此則元始以鎮梵度天之雲文  
元梵恢漠幽寂度人

元梵者元始大梵風澤之悉恢漠者廣大  
之辭幽者幽寂寂者虛寂度人者度无量  
人謂元始大梵之悉恢漠无窮高而洞浮  
懸而不落妙不可名幽兮寂兮不可見聞  
其中有真真中有精冥度天人此則元始

以鎮寶奕天之雲文

頌曰

學人能識大洞章 三界魔王為錄姓  
新受度者昇陀山 劫終品量騰三景  
飛天遊宴昇碧霞 導引天中諸大聖

一日三朝七寶宮

玉隆帝前自稱慶

太无真人度罪魂

普度洞然知宿命

魏乎成功不可事

元梵恢漠惟溟滓

幽兮寂兮難見聞

中有真精精甚信

度人濟物妙難名

故曰隱語无量音

道言此諸天中大梵隱語无量之音善文字  
皆廣長一丈天真皇人昔書其文以為正音  
有知其音能齋而誦之者諸天皆遣飛天神  
王下觀其身書其功勤上奏諸天萬神朝禮  
地祇侍門大勳魔王保舉上仙道備刺得遊  
行三界昇入金門

行三界昇入金門

言此者梵悉所結隱秘之文上能保鎮天  
度呼召天仙下則利益生民開度苦奕故  
曰无量度人也舊文者乃元始觀梵悉流  
注之跡合而成之字皆周回一丈薄於太

虛每八字為一天悉之根凡諸天劫運成  
毀者亦由字之散合所致也雖高聖莫曉  
其字乃命皇人書為正音然得天仙則識  
之大勳魔王保舉上仙者都領三界之尊  
神保舉學人昇入上品秩俟其道備即  
得遊行三界拜謁金門

頌曰

大梵靈章隱秘文 皇人改正始流傳

齋心誦處諸天悅 即得昇騰作上仙

此音无所不辟无所不禳无所不度无所不

成天真自然之音也故誦之致飛天下觀上  
帝遙唱萬神朝禮三界侍軒羣效東首鬼精  
自亡琳琅振響十方肅清河海靜默山嶽吞  
煙萬靈振伏招集羣仙天无氛穢地无妖塵  
冥慧洞清大量玄玄也

前後標叙可謂盡矣今此復以結歎靈寶  
所感功德一十四事書于卷末者蓋欲成  
就大洞之功也冥慧洞清又為靈寶四種  
聖功冥者冥契一切慧者慧照无窮洞者  
洞觀十方清者清淨致極皆靈寶之道備

所獲全德也大量玄玄者道君感歎此經  
利濟普博妙不可名也又匠成萬物而不  
言我為者玄之德也玄而又玄衆妙之門  
故云大量玄玄也

頌曰

三洞諸經貴玉音 文章錯落燦珠金  
保天鎮地禳災厄 度盡塵沙無鞅人

參校曰靈書中篇乃三十二天保鎮開度  
之梵音誦詠宣揚功用莫大而三十二天  
又為天人學人脩證陞進等級之品三界

有三乘之分種凡入上乘之最性命混融  
與道合真故道言成終總括又以冥慧洞  
清表之且申以大量玄玄者亦備述大乘  
與上乘玄覺之妙歟

贊曰大象冥冥至玄之名冥合玄玄觀而  
无形窈冥有精梵然深疑寂兮寥兮合道  
混成何以言慧至神之義正慧自然神光  
所麗无幽不燭无之不遂自然而然如是  
如是何以言洞真空之謂天中空洞載在  
經旨纖毫无滯貫徹表裏空无所空洞然

而已何以言清真一之稱道德經曰得一  
以清生一之始大羅玉清純清絕點歸于  
无形冥慧洞清四者之全空玄妙混玄之  
又玄空有兩忘无无亦然其太上洞玄靈  
寶无量度人之極功歟

元始靈書下篇 天真皇人撰

東方八天

森角儲雲九魂鍊精 枳默窺珠浮枚曰路  
鹿幾揚房碧提節回 池溟黨負跂道謁攜  
藻章變瑜蘭津碧環 允傍野生極中昆清  
耀展洞酒寂无妙歟 素倚虛羅皇達元靈

南方八天

交鏡緯堂太霄瑤陽 歷遐厲倚周局加圖  
披冕蹠矇飮豐渾都 戟芸茶炫并欺持蒲  
掌維莊儀奕晃瓊瓊 扁纒益但幽微畢雷  
涓涅寔東赤曜叢藉 玉玄演侯拍梁至規

西方八天

錫正左適婆尼然靈 悲招均疆洎南躔魁  
靜夷損光混元覺緣 道守岑逸綿微知宣  
太靈溼漠曷和盧隨 哲京常華墟咸堅沙

乘鐸懸珠會行球裝 卓雲音府業觀般基  
北方八天

注孩蒙甘翠宇九闌 蕭鈞連興龍汾神闌  
滌淪次魔豁蠻祈通 玄寥元息無知肆明  
蟬脩吉夕馥壇時賦 湯長數昌匪庸謹濟

朝康聖寔秘法修宜 廣帝理生衛肇宏人  
天真皇人梵杰玄遠天寶自然八合之音主

治世會地壘洪澤變災厄難誦詠之者穰穰  
妖祥清靜道杰无不寧也地官奉書百靈畏  
敬神米寫文服佩明驗施之於至學不宣於  
下俗也

太極真人頌

神雲映層虛 梵羅屯碧霄 元始九龍駕  
呈人按青輶 靈光集萬真 珠影開陽寥  
出示靈寶篇 福德由是招 洞玄隱高嚴  
玉音泛雲璈 无量匪得思 道海生波濤  
法義同涓流 滋植成嘉苗 用以翦窮饑  
教興衛中朝 帝尊壽億年 太平滅兵刀  
稽首望玉宸 靈華散金毫  
參校總贊曰太上真經无量度人人所以



生父母之身始生之根與天地均同稟梵  
炁聚精生神凡軀所累六根六塵三業所  
毒首曰貪嗔逐流忘返浸失善因天華慈  
憫弘濟天民性命妙混經典開陳復歸其  
根不墮轉輪妙經初宣道性為先靜默朗  
清真淨本源高下平等不問山川玉相純  
色皆表性天空玄之中寶珠之懸真源既  
證真空又全寂无遺響盡歸忘言何以了  
命鍊炁成仙中理五炁得玄牝門百神混  
合十轉胎圓蛻凡而真體入自然所以致  
此功行兼焉行滿八百功足三千諸天記  
功毫分不愆魔王界中明炁四騫懈退有  
戒金石非堅保舉爾身飛行翱翔空有俱  
寂漆習絕源超過三界玉虛高遠依經行  
持得魚之筌道子作贊莫盡玄玄天恩覆  
冒普度无邊

元始无量度人上品妙經註卷下

誦度人經應驗

杜三師脩誦經驗

閩州天慶觀道士杜廷真精心脩行常持  
誦度人經以衣鉢脩經庵石老君安龜像  
之座滿堂盡繪經中出相嚴潔無怠年七  
十八歲一日忽謂眾曰爾不樂仙道三界  
那得過大衆暫別各保歲寒言訖屈膝跪  
化既葬之後塚上常有白光居人異之其  
諸徒共視則塚有一穴而尸不見止存雙  
履而已然眾亦未曉忽有人自成都來云  
杜三師有書啓緘視之乃云傳言石太上  
勤謹視卿龜此謂石老君也此則方悟專  
師已獲尸解矣

劉氏女誦經驗

紹熙間果州居民劉氏有女年七歲一日

有道人誦經緣化因白父母曰此所誦者  
何經答曰度人經女子敬欲受之父母從  
之不旬月悉能記憶日夜誦念不歇一日  
西隣大火其家正在烈焰中人但聞誦經  
聲不歇將已為灰燼俄有大風回旋火勢

遂過劉氏一家了無所害豈非經中神明  
護門之驗耶因鏤板印施以傳之

王明聽經驗

慶元間梓府寶珠會凡遇誦經有跛者王  
明策杖常至聽經一日聽經至十方无量  
度人處似有壯力拽其脚視之不見遂棄  
杖而歸人問其故明曰予二十年聽經方  
知四徧說經跛病積速皆能起行之驗  
張將仕誦經驗

淳熙間閩州東街張將仕晚年從黃冠受

度人經每旦夜齋潔炷香調聲正氣轉誦  
數過凡三十年忽一日謂家人曰爾等安  
知吾學尸解之道尋即果捐一館時年七  
十七歲公丁亥生既葬再越月復值丁亥  
日忽於凡筵灰燼中產蓮華九莖色甚鮮  
白脩纖踰尺因命親族聚觀共相嘉歎越  
三日華乃萎根植宛若因閱經蘊則有欲  
生因蓮華之句方悟其事後有子辛於嘉  
泰甲子與鄉薦今為望族  
任炤誦經驗